



Charlotte Pike, Inuit Ataqtigiit
Inatsisartunut Ilaasortaq
inatsisartut@ina.alla.gl

Ittoqqortoormiini mittarfiliornissaq pillugu § 37 naapertorlugu apeqquteqaammut 2022-103-mut akissut

31-05-2022
Suliap nr.: 2022 - 11110
ID. nr. 76671780

Asasara Charlotte

Inatsisartut suleriaasianni § 37 naapertorlugu Ittoqqortoormiini mittarfiliornissaq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1. Ittoqqortoormiini mittarfiliornissamut pilersaarut ullumikkut qanoq killiffeqarpa?

Akissut: Inatsisartut 2015-imi ukiakkut ataatsimiinnermini, mittarfiit qulit misissorniartugit aalajangerput. Tamanna tunuliaqutaralugu annertuumik misissueqqissaarnerit ingerlanneqarput, misissueqqissaarnerillu 2020-mi Ukiakkut ataatsimiinnermi imm. 27-tut saqqummiunneqarlutik. Inuiaqatigiit aningaasaqarnerinut sunniutissanik naliliinerit malillugit, Tasiilami Ittoqqortoormiinilu mittarfiliortoqarnissaa innersuussutigineqarsinnaasoq misissueqqissaarnerni inerniliunneqarpoq.

Tasiilami Ittoqqortoormiinilu mittarfiliassat marluusut pilersaarusiorneqarnissaannut aningaasaliissutissanik nassaarniarlutik Naalakkersuisut maannarpiaq suliaqarput. Piffissami pilersaarusiortiusumi isumassarsianut isummernissamut tunngavisiamik suliaqartoqassaaq, silaannakkut angallannermut oqartussaasunut aamma avatangiisinut oqartussaasunut paasiniaasoqassaaq, kiisalu sanaartornermut pilersaarummik, c-overslagiiornermik kinguneqartussamik suiaqartoqassaaq.

Apeqqut 2. Ittoqqortoormiini mittarfiliornissamut pilersaarut siunissami piffissalersugaaneri qanoq isikkoqarpat?

Akissut: Apeqqut 1-imut akissuteqaammi taaneqartumut aningaasaliissutissanik nassaartoqassappat, misissueqqaarnernut aalajangersimasunut kiisalu pilersaarusiortnermut aningaasaliissutissanik qulakkeerinissaq tullinguutissaaq. Suleriaasissami aningaasaleeriaaseq marlunnik avitaq malinneqassaaq, taamaalillunilu sanaartugassamut inaarutaasumut neqeroorteqartitsinikkut nunap karsiata aningaasaatai naleqqunnerpaamik atorneqassapput. Mittarfinnut inaarutaasumik aningaasaliissutissat tulleriiaarneqarnissaat, Inatsisartuni partiit akimorlugit tulleriiaarisooqarneratigut nassaarineqassapput, taamaalillunilu oqartussaaqatigiinnermi tamanik akuutitsisoqassaaq.

Apeqquut 3. Pilersaarusiornissamut suliap aallartinnissaanut ullumikkut Naalakkersuinikkut aningaasaliisoqarsimalerpa?

Akissut: Apeqquut 1-imut akissut takuuk.

Neriuppunga qulaani allaqqasuni apeqquuteqaatitit akineqartut.

Inussiarnersumik inuulluaqqusillunga



Erik Jensen